

آبونه شرائطی : هریر ایچون
سنه لکی (۴۰۰) آلتی آیلغی
(۲۲۵) ممالک اجنبیه ایچون
سنه لکی (۴۵۰) ، آلتی آیلغی
(۲۵۰) غروشدور .

نسخه سی ۷,۵ غروشدور .
سنه لکی ۵۰ ع ددر .

اداره خانه : باب عالی جاده سنده
رشید افندی خاندن .

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدلمه یین
یازیلر اعاده اولماز .

تذکره

۱۳۳۹

آدره من تبدیلنده ایریخه
غروش کوندرلملیدر .

مکتوبلرک امضالری واضح
واوقوناقلی اولسی و آبونه
صره نوسروسی محتوی
بولونسی لازمدر

ممالک اجنبیه ایچون آبونه
اولانلرک آدرس لری نیک
فرانسزجه یازلسی رجا اولنور .

پاره کوندردلیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل ارشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

معلوم اولدینی اوزره (آین شتاین) خالص بریهودیدر، قویو بر (سیونیت) در. دین اسلامده هجوم ایتش و بوندن طولانی ده مصر محکمه سی طرفندن آتی آی حبسه محکوم اولمشدی.

آلمان محکمه لرینک بوقراری شایان دقتدر. بعضیلری اویله ظن ایدیورلرکه اوروپاده دینه قارشی هر کس ایسته دیکی کبی حقارتده بولونه بیلیر و بوندن طولانی هیچ برمسئولیت ترتب ایتز. مملکت مزده لیه رال کچینه نلرک برچوق خصوصانده اولدینی کبی بونقطه دهده ویرمک ایسته دکلری فکرک، حقیقتی تحریفدن باشقه برشی اولمادینی کوروایور. ادیانک تحقیرینی مدنیتک ایجاباتندن تلقی ایدنلرک نظر عبرت وانتباهنی جاب ایتک اوزره بوحادثه نی نقل ایدیورز.

زده بعض ورقاره لر، مجموعه لر واردرکه آچیقندن آچیفه عقائد اسلامیه ایله استخفاف ایدرلرده هیچ آلدیران اولمایور. بونلر کورولمه یورمی؟ هیچ ده ظن ایتورز. مع مافیه کورمه مک ده آریجه بر قباحث دکلدر؟

شرعیه بکا عائد دکلدر، دیور. عدلیه شرعیه نک وظیفه سیدر، دیور. داخلیه مصونیت شخصیه قانونندن بحث ایدیور. بو کشمکشدن بالاستفاده برطاقیم وجدانسزلرده متصل عقیده اصلیه قرآنیه پی هدم ایله اوغراشیورلر. هر کس وجداننده ایسته دیکی عقیده پی طاشیه بیلیر. فقط دولتک دین رسمیه سی اولان مسلمانلرک عقیده اساسیه سی بالعله لایه حق تجاوز کارانه نشریانه بولونمیه هیچ کیمسه نک حق اولماسه کرکدر. باری خرسیتیانانی محافظه ایدن غرب محکمه لرندن عبرت و درس آلم.

طلبه علومک عربی میدر؟!..

ایلی اوج قاتلی منتظم بنالرده اوطوره بیلیمک ا

شرعیه وکیلی مصطفی فوزی اقدی حضرتلرینک غزته لره وقوع بولان بیاناتندن آکلاشدیفنه کوره، شهزاده باشنده اوقاف مطبعه سی اتصانده کی بویوک بنا دارالفنون طلبه سنه تخصیص اولونیورمش، معارف وکالتی نواقصی اکمال ایدرک بنانی اشغال ایده جکمش.

انسان خاطر وخیاله کله یین بویله شیلری ایشدتکجه اینانه مایه جنی کلور. طلبه علومده بومملکتک اولادی دکلدر؟ اونلرکده بومملکتده صحی ومنتظم بر بنایه صاحب اولمق حق یوق میدر؟ بونلرک یکانه نصیبی رطوبتلی، طاش حجره لر میدر؟ بوکون طلبه علومک اقامت ایتمکده اولدقلری مدرسه لرشکلنده هیچ بر مکتب یوقدر، بوتون مکتبلر بونلره کوره برر کاشانه کبی در. بالطبع مکتبلرک بوحالده اولمسی بزم ایچون بادی نمونیتدر. فقط مدرسه لری ده بو بریشان وضعیتده بر اقامایدر. مکتبلی اولسون، مدرسه لی اولسون، هپسی مملکتک علم و عرفانه خدمت ایده جکلردر.

اولورلرله بالطبع بوجائز اولماقی لازم کلیر. بوتقدیرده بوکا قارشی تدابیر مانعه وضع ایتک حکومتک متحتم وظیفه سی اولور. بوخصوصده اهمال ولاقیدی کوسترمک اصلا موافق سیاست ومصاحت اوله ماز.

فرانسه حکومتی بیله - که لیه رالنگک منهاینه واصل اولمشدر - (لاغارصون) - ولفنک منافی اخلاق نشریانه قارشی اهمالکار بروضعیت آله مامشدر. ویردیکی نشانی اولسون، اوحریفک آلدن آلمشدر. سوکره فرانسه ده بیله اخلاقه مغایرتاقی ایدیلن بو اثر دینی دین اسلام اولان بر مملکتک سینه مالرنده ناصل کوستریله بیلیر؟ کوستریله مک لازم کلیر. داخلیه وکالتک انتخابات ائساننده نشر ایتدیکی تبلیغه و اوتبلیغه کوستریلن مواد قانونیه دهده بو، کلیاً مخالفدر. فقط مع الأسف بو هفته کی غزته لر (الجرء) سینه ماسنه بو مساعدنه نک بخش ایدیلدیکی یازیورلر. اولجه تشهری منع اولونمش. نیچون منع ایدیلش؟ بالطبع اخلاقه مغایرتندن. عجبا دون اخلاقه مغایر تلقی ایدیلن بو اثر بو کون اخلاقه موافقی اولدی؟ بو خصوصده بومی غزته لره ده بر حصه مسئولیت ترتب ایدر. بویله اعلانلری - فضله اجرت مقابلنده - غزته لرینه درج ایدرلر. سوکره ده اخلاقدن بحث ایدرلر. بویله اولماقی لازم کلیر. فقط مع الأسف اولور.

هر نه ایسه، داخلیه وکالتک شعائر اسلامیه، اخلاق و آداب عمومیه قارشی وقوع بولان و بولقده اولان بو تجاوزلره قارشی بر قانون لایحه سی حاضر لامق صورتیه وظیفه سی ایفایه مسارعت کوسترمسی بالطبع جالب ممنونیت و تشکردر. شوقدرکه بو قانونی ده واسع و ده اساسلی بر صورتده ترتیب ایتک اقتضا ایدر. امید ایدر که مجلسه مذاکره ائساننده مسئله ده شموللی نظر اعتباره آتیر.

خرستیانلرک تحقیری

اوروپا محکمه لرجه موجب مجازات اولور

آلمان محاکمندن بریسی، مشهور اضافیت نظریه سی صاحبی پروفسور آین شتاینک (عقیده فاسده) نامیه نشر ایتدیکی برکتبده دین عیسوینک اساسانه حرمتسزلکده بولونمش اولماسندن دولای مومی الیهی آتی آی مدته حبسه محکوم ایتشدر. کتابک طابعی ده عینی صورتله جز الانغه محکوم اولمشدر.

محکمه، آین شتاینی، حضرت عیسی پی تحقیر آمیز برشکلده تصویر ایتدیکنندن، هر کسک مقدس طائیدینی بر دینک تحقیر ایدیلده مایه جکندن و مؤلفک عمومک قناعی خلاقه حضرت مسیحی بر ولد طبیعی عد ایتهمسندن و خرسیتیان کلیسالرنده کی تصاویرک حواریلردن (سهن پول)ک مختار تندن اولدینی ادعا ایلدیکنندن دولای حبسه محکوم ایدیور.